

Alkitab Buat Bocah Nampilin



Yesus Milih
Duabelas
Murid-Nya



Nyeng nulis: Edward Hughes

Nyeng bikin gambar: Byron Unger; Lazarus
Alastair Paterson

Nyeng nyocokin: E. Frischbutter; Sarah S.

Nyeng terjemahin: Matheus Nalih Ungin

Dibikin buat: Bible for Children
www.M1914.org

©2023 Bible for Children, Inc.

Perijinan: Enté boleh ngegandain atau nyetak ini cerita,
selama enté kagak ngejualnya.



Yesus ngerjain hal-hal nyeng bikin takjub. Dia nyembuhin penyakit, ngasih ketenangan di ati dan pikiran orang-orang dan ngajarin Firman Allah.



Banyak orang dateng pada Yesus buat minta bantuan ama pengobatan. Dia mutusin buat milih dua belas orang jadi muridNya dan ngebantuNya buat ngeberitain kerajaan Allah.





Kalo kamu kudu bikin keputusan nyeng penting, sembahyang pada Tuhan kaga? Yesus sembahyang! Di bukit nyeng sepi Yesus ngomong sama BapaNya di sorga. Yesus sembahyang sampe mentari tenggelem.







Yesus
sembahyang
semaleman.



Pagi ari, Yesus manggilin murid-muridNya semua
sohib nyeng ngelayanin dan nurut padaNya.




Nyeng pertama Yesus milih abang ade Simon Petrus ama Andreas. Mereka ninggalin pegawean mereka nangkep ikan pas Yesus ngajak mereka buat ngikutin-Nya.



Yakobus ama Yohanes
bocahnya Zebedeus, juga
ninggalin jala mereka.



Yesus juga milih Filipus, Bartolomeus, Matius,
Tomas, Simon orang Zelot, Yakobus bocahnya
Alfeus, Yudas sodara Yakobus ama
Yudas Iskariot nyeng lantas
jadi penghianat.






Yesus ngajarin kalo
ngerjain apa nyeng diajarin
itu kaya ngediriin rumah di
atas fondasi nyeng
kuat. Kalo ada
musibah kaga
bakalan ancur.



Tapi kalo kaga nurut omongan Yesus itu kaya bikin rumah di atas tanah. Kalo musibah dateng lantas rumah itu rubuh.



Sebagian dari ajaran Yesus itu
kaga gampang "Kalo kamu ditabok
di pipi sebelah kanan, kasihin juga
pipi nyeng sebelah kiri" Dia
ngajarin "Kesianin musuhmu"
Manusia butuh bantuan Allah
buat idup kaya Yesus.



Yesus juga ngajarin sama kita buat sembahyang pake cara diem-diem-kaga perlu dipamerin di depan orang laen kaya nyeng dikerjain ama sebagian para pimpinan agama.




Yesus juga bilang, kalo Tuhan bakal ngasih makan ama pakean pada nyeng percaya padaNya. Tuhan ngasih makan pada burung-burung dan ngasir kelir nyeng bagus pada kembang-kembang dan lantas Dia juga bakal ngasih apa nyeng kita butuhin




selagi kita
percaya
padaNya.



Yesus ngajarin
banyak hal sama
murid-murid
nyeng baru aja
dipilihNya.



Yesus ngejawab sama orang lepra, "Aku mao, waras!" Pas pengikut Yesus liat nyeng sakit lepra itu, ia balik lagi kaya dulu. Ia udah waras. Cuman Anak Allah nyeng bisa ngerjain nyeng kaya gitu. Pengikut Yesus tau kalo mereka punya engku nyeng hebat.



Yesus Milih Duabelas Murid-Nya

Sebuah cerita dari perkataannya Tuhan, Alkitab

Ditemuin di

Matius 4-7, Markus 1, Lukas 6

“Palang pintu Firman Engkau ngasih terang.”
Mazmur 119:130





Tamat



Ini cerita Alkitab nyeng nyeritain kita soal Tuhan kita nyeng kerén, nyeng nyiptain kita ama pengen enté kenal Dia. Tuhan tau kita udah bikin hal-hal nyeng kaga bae, nyeng Dia sebut dosa. Hukuman dosa ya mati, tapi Tuhan sayang bangat sama enté, Dia ngirim anaknya nyeng atu-atunya, Yesus, biar mati disalib dan dihukum karna dosa enté semua. Lantas Yesus idup dan balik lagi ke rumahnya ke Sorga. Kalo emang enté yakin ama Yesus dan minta biar Di maafin dosa-dosa enté, Dia bakalan ngelakuinnya!

Dia bakalan dateng dan idup di dalem enté ini ari, dan enté bakalan idup ama Dia selamanya.

Kalo enté yakin ini kebenerannya, sautin ini ke Tuhan: Ya Yesus, ané percaya kalo Engkau itu Tuhan, dan berubah jadi manusia buat mati karna dosa ané, dan sekarang Engkau idup lagi. Tulung dateng kedalem idup ané sama maafin dosa-dosa ané, biar ané punya idup nyeng baru ini ari, dan entar bakalan pegih sama Engkau selamanya. Tulungin ané biar bisa nurutin Engkau dan idup buat Engkau ama anak Engkau. Amin.

Bacain Alkitab dan ngomong ke Tuhan tiap ari! Yohanes 3:16

